

Broj: 01-04-6-02220-4/2021
Sarajevo, 3.6.2021. godine

Na osnovu čl. 69. st. (1) tačka b) i st. (2) tačka e). čl. 70. st. (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja preporuke Komisije za javne nabavke broj 01-04-6-02220-3/2020 od 28.5.2021. godine, Direktor Federalne uprave za inspeksijske poslove, d o n o s i

ODLUKU

o poništenju postupka direktnog sporazuma za nabavku roba 2 (dva) etalona za gorivo

I

Poništava se direktni postupak javne nabavke roba etaloni za gorivo (2 komada) iz razloga što je cijena prihvatljive ponude znatno veća od obezbjeđenih sredstava za premetnu nabavku.

II

Ova odluka će se u skladu sa odredbom člana 70. st. (6) Zakona o javnim nabavkama Bosne i Hercegovine objaviti na web stranici Federalne uprave za inspeksijske poslove..

III

Ova odluka stupa na snagu danom donošenja.

O b r a z l o ž e n j e

Postupajući po odluci o pokretanju postupka javne nabavke roba- etaloni za gorivo (2 komada) broj 01-04-6-02220/2021 od 4.5.2021. godine, primjenom postupka *direktnog sporazuma*, dana 18.5.2021. godine komisija za javne nabavke je uputila zahtjeve za dostavljanje ponude pravnim osobama Inspekt RGH d.o.o. Sarajevo i Delta petrol d.o.o. Kakanj. Zahtjevom je kao krajnji rok za dostavljanje ponude utvrđen datum 27.5.2021. godine.

Dana 28.5.2021. godine Komisija je na svojoj sjednici konstatovala da ponuđač Inspekt RGH d.o.o. Sarajevo nije dostavio ponudu u ostavljenom roku, dok je ponuđač Delta petrol d.o.o. Kakanj dana 26.5.2021. godine.

Komisija je otvorila pristiglu ponudu, te je nakon izvršenog uvida u istu utvrdila da je ponuđač Delta petrol d.o.o. Kakanj tražene robe ponudio po jediničnoj cijeni od 2.800,00 KM (bez PDV-a), odnosno 5.600,00 KM za dva komada etalona za gorivo.

Konstatovano je da je Planom nabavki Federalne uprave za inspeksijske poslove planirana vrijednost navedene nabavke 4.000,00 KM (bez PDV-a), te da je cijena ponude značajno veća od visine sredstava obezbjeđenih za predmetnu nabavku.

Članom 69. st. (1) t. b) Zakona o javnim nabavkama BiH je propisano da se postupak javne nabavke može okončati poništenjem postupka javne nabavke. Istim članom, stav (2) t. e) je propisano da je ugovorni organ obavezan da poništi postupak javne nabavke u slučaju da su cijene svih prihvatljivih ponuda znatno veće od obezbjeđenih sredstava za predmetnu nabavku.

Kako je dakle utvrđeno da je cijena prihvatljive ponude značajno veća od visine sredstava koja su obezbjeđena za predmetnu nabavku, čime su ispunjeni uvjeti za poništenje postupka javne nabavke shodno navedenim odredbama, Komisija za javne nabavke je direktoru Federalne uprave za inspekcijske poslove dostavila preporuku broj 01-04-6-02220-3/2021 od 28.5.2021. godine kojom je predložila da direktor donese odluku kojom će poništiti direktni postupak nabavke.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke žalba nije dopuštena.



Dostaviti:

1. Delta petrol d.o.o. Kakanj, Alije Izetbegovića bb, Lamela P+4+M, 72240 Kakanj 4.6.2021.g. [Signature]
2. Sektor za materijalno-finansijske poslove;
3. Sektor za tehničku podršku i plansko-analitičke poslove;
4. Komisija za javne nabavke (a/a).

